



Broj: 01/2-05-1935-4/19
Breza, 30.09.2019. godine

Na osnovu člana 69. stav (2) tačka a) i člana 70. st. 1. 4. i 6. člana Zakona o javnim nabavkama („Službeni glasnik BiH“, broj 39/14) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), na Preporuku Komisije za javne nabavke (broj 02/1-2-14-2182-10/19 od 24.09.2019. godine) u postupku javne nabavke radova: **Izgradnja prelaza za invalidna lica na trotoarima gradskih ulica, Breza,** Općinski načelnik donosi

ODLUKU
O PONIŠTENJU POSTUPKA JAVNE NABAVKE RADOVA
Izgradnja prelaza za invalidna lica na trotoarima gradskih ulica, Breza,

Član 1.

- (1) Prihvata se Preporuka Komisije za javne nabavke (broj 02/1-2-14-2182-10/19 od 24.09.2019. godine) i poništava se postupak javne nabavke radova: **Izgradnja prelaza za invalidna lica na trotoarima gradskih ulica, Breza,** Iz razloga propisanih članom 69. Stav (2) tačka e) Zakona o javnim nabavkama Bosne i Hercegovine („Službeni glasnik BiH“ broj 39/14), odnosno iz razloga što je cijena prihvatljive ponude znatno veća od obezbijeđenih sredstava za predmetnu nabavku
- (2) Poništava se Odluka o izboru najpovoljnijeg ponuđača „AME“ d.o.o. Breza br. 01/2-05-1935-3/19 od 16.09.2019. godine.

Član 2.

Za izvršenje ove Odluke zadužuje se i ovlašćuje Služba za privredu.

Član 3.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Ugovorni organ je aktom br. 01/2-05-1935-3/19 od 16.09.2019. godine donio Odluku o izboru najpovoljnijeg ponuđača „AME“ d.o.o. Breza. Ponuđač „AME“ d.o.o. Breza je dana 20.09.2019. godine dostavio dopis: Obavještenje, veza obavještenje o rezultatima javne nabavke broj: 02/1-2-14-2182-8/19 od 17.09.2019. godine, u kom obavještava Ugovorni organ da firma „AME“ d.o.o. Breza nije u mogućnosti potpisati Ugovor o izvođenju predmetnih radova jer su nakon sagledavanja ponude uočili da je došlo do računске greške u nudi jediničnih cijena, te su kao takve neprihvatljive za predmetnu vrstu i količinu radova (dopis broj: 228/19 od 20.09.2019. godine).

Komisija za javnu nabavku je predložila Ugovornom organu, Općinskom načelniku, da poništi Odluku o izboru najpovoljnijeg ponuđača br. 01/2-05-1935-3/19 od 16.09.2019. godine, u

skladu sa članom 72.stav 3. tačka c) Zakona o javnim nabavkama („Službeni glasnik BiH“, broj 39/14), iz razloga što je Ponuđač u pisanoj formi odbio dodjelu Ugovora i poništi predmetnu nabavku iz razloga propisanih članom 69. Stav (2) tačka e) Zakona o javnim nabavkama Bosne i Hercegovine („Službeni glasnik BiH“ broj 39/14), odnosno iz razloga što je cijena prihvatljive ponude znatno veća od obezbijedenih sredstava za predmetnu nabavku.

Naime, ponuđena vrijednost za predmetnu nabavku ponuđača „Nahonal-gas“ d.o.o. Breza je 17.002,14 KM bez PDV-a, a procijenjena vrijednost predmetne nabavke je 11.000,00 KM, bez PDV-a ili

Ukoliko Ugovorni organ obezbijedi nedostajuća sredstva i ako utvrdi da je drugorangirana ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije ponude za javnu nabavku radova: „Izgradnja prelaza za invalidna lica na trotoarima gradskih ulica, Breza“ i dodijeliti ugovor drugorangiranom ponuđaču „NAHONAL-GAS“ d.o.o. Breza, ponuda (broj 170-IX/19 od 04.09.2019.godine), za ponuđenu cijenu 17.002,44 KM bez PDV-a, odnosno 19.892,85 KM sa PDV-om.

Ugovorni organ nije u mogućnosti da obezbijedi nedostajuća sredstva, te je odlučeno kao u članu 1.ove Odluke.

U postupku ocjene provedenog postupka, Općinski načelnik nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da cijena prihvatljive ponude znatno veća od obezbijedenih sredstava za predmetnu nabavku, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, u skladu sa članom 99. Zakona o javnim nabavkama.

DOSTAVLJENO:

1x Svim ponuđačima koji su učestvovali u postupku JN

1 x Služba za privredu

1x Služba za finansije, inspeksijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Mr.sci. Munib A.Zaimović